



Inatsisartunut ilaasortaq
Malik Berthelsen

§ 36 tunngavigalugu apeqqummut nr. 2009-116 akissut

Asasara Malik Berthelsen

Allagarisimasanni 17. december 2009-immersumi apeqquteqaatinnut atatillugu matumuuna akissuteqaatit makkua nassiuneqarput (§ 36, imm. 1, 2009-166).

Apeqqut:

1) Inuusuttut 400-t missaaniittut ukiortaap kinguninnguatigut højskolini atualerniarlutik qinnuteqarsimasut inissaqannginnerli pissutigalugu tiguneqarsimannigitsut susassaqaratik tamarliinnalernissaat pinaveersaarniarlugu, Naalakkersuisut taakkua arlaatigut sammisassaqartinneqarnissaat siunertaralugu sutigut neqerooruteqarfigisinnaanissaat pillugu eqqarsaatersuuteqarpat?

- a) Naalakkersuisut inuusuttut taakkua arlaatigut sammisassaqartinneqarnissaat pillugu pilersaaruteqarpata, taava suut taakkununga tunngatillugu suliniutigineqarniarpat?
- b) Suliuniuteqarnissanik pilersaaruteqartoqanngippat, soq tamanna pisimannigila, tassami taamatut inissisimalernej tassanngaannaq takkuttuunngilaq?

2) Højkoleni atuarniarlutit amerlanerusut højskolinut isersinnaalernissaat anguniarlugu sutigut suliniuteqartoqarpa?

Akissut:

1) Ukiut tamaasa inuusuttorpasuit højkoleni atuarniarlutik qinnuteqartarput. Soorlu ukiuni assersuuteqarfiusuni 2005-imut 2007-imut agguaqatigiisillugu ukiumut 435-it qinnuteqartarput. Piffissami sivilisunerusumi atuartussanut Højskolit qangali tamaallaat ukiumut 80-inik inissaqartitsisuarsimapput. Taamaattumik ukiut tamaasa atuarniarlutik qinnuteqartorpasuarunik itigartitsisariaqarneq nutaajunngilaq. Qinnuteqartartut nalinginnaasumik 16-t 35-llu akornanni ukioqarajuttut assigiinngitsorujussuarunik tunuliaqutaqartarput. Højskolini pikkorissartartut agguaqatigiisillugu 21-it 25-illu akornanni ukioqarajuttarput. Højskolini atuarneq tassaasinnaavoq inuit ataasiakkaat ineriartorminni aqquasaagassaannut ilaasoq, kisiannili højskolit qinnuteqartut ilaasa atukkamikkut annertuunik ajornartorsiuteqartut ikiornisaannut piareersimaneq ajorput. Taamaattumik Naalakkersuisut siunissami højskolini atuarniarlutik qinnuteqartut tamavimmik tiguneqarnissaat naatsorsuutigingagulu anguniagarinngilaat.

- a) Naalakkersuisut isumaqaput kommunini ataasiakkaani sumiiffinni tamakkunanga suliaqartut inuusuttut ataasiakkaat sorpiatigut sullinneqarnissaannik nalilersuissallutik periarfissarissaarnerpaajusut. Soorlu assersuutigalugu Piareersarfiit

11. januar 2010
Sagsnr. 2007-003194
Dok. Nr. 286969

Postboks 1029
3900 Nuuk
Tlf: +299 34 50 00
Fax: +299 32 20 73
Email: kiin@gh.gl
www.nanoq.gl

imaluunniit kommu-nini periarfissat allat atorlugit inuusuttut suliffissaaleqisullu sutigut sullineqassanersut. Tamakkua saniatigut ukiuni makkunani takusinnaalersimavarput inuusuttut amerliartuin-nartut ilinniarfinnik piginnaasaqarfinnik aalajangersimasunik pissarsiffiusartunik toqqaasalersimasut, taamaattumillu ilinniartitaanikkut Pilersaarusioneq aqutugalugu ilinniarfinnik tamakkunanga kiisalu ilinniartunut inissianik kollegianik annertusaanissaq siunertaralugu sanaartorneq aallartinneqareerpoq, kiisalu allilerinerup kingunerisaanik ingerlatsinermut aningaasartuutissat annertusinissaannut aningaasaliinerit ingerlanneqareerlutik.

- b) Naalackersuisut siunertaat tassaavoq sapinngisamik inuusuttut amerlanerpaat ilin-niarnissamat periarfissineqartariaqartut. Tamatumunngalu atatillugu inuusuttut ilaannut højskolimiinneq aqutugalugu inuttut ineriartormik sammisaqarnissaq pingaaruteqar-sinnaavoq. Højskolimiinneq sivilisunneq qaammatinik sisamanik sivilisussuseqartarpoq, tasanilu piginnaasatigut ineriartortitsineq nalinginnaasoq sammisassatut neqeroortigi-neqartarluni, tasanilu aalajangersimasunik siunertalimmik ilinniagaqarneq ilaatinne-qarani. Taamaattumik højskolimiinneq inuusuttut piffissami sivilisumik angerlarsimaffimminnik qimagussimagallernerattut, nammineersinnaalernissamullu sungiusarnermut taarsiullugu periarfissatut isigineqartariaqarluni.

2) Højskolit pioreersut nalinginnaasut aqqissuunneqarneri Naalackersuisut allanngortinniarlugit kissaatigaat, tassa atuarfinnut piginnaasanik aalajangersimasunik pissarsiffigisassatut atuarfinngorlugit kiisalu kulturikkut atuarfinngortillugit nutaanik suliaaqqartilerlugit kiisalu aqqissuunneqarnerisigut eqaannerusunngortillugit.

Matumani siunertarineqarpoq højskolit inatsisit nutaat tunngavigalugit aalajangersagaangitsumik ilinniartitsinermik pisinnaasanillu pissarsiffiusussanik ilinniartitsinermik neqeroorteqarsinnaalernissaat. Matumani ilinniartitaanikkut aqqissuussinerit pioreersut suleqatigalugit ilinniarfik eqaatsumik periuseqartoq pilersinneqarsinnaavoq, tassa inuiaqatigiit ilinniarnernik piginnaasatigullu ineriartortitsinermik pisariaqartitsilernerisigut kisiannili ilinniarfinnut pioreersunut inississallugit ajornartoornermi aqqissuussiffigineqapallassinnaasunik. Soorlu assersuutigalugu taaneqarsinnaavoq ukiut ilaanni imaassinnaavoq GU-mut qinnuteqartut piumasaqaatinik naam-massinissimasut amerleriaateqariasartut, taamaalisoqartillugulu højskolit ilinniarnertuunngorniat atuarfiatut imaluunniit inuutissarsiutitigut ilinniarfiatut ator-neqarsinnaapput.

Højskolit nutaat tassaassapput kulturikkut suliaqarnermik aammalu piginnaasatigut ineriartortitsinermi katersuuffiusartussat, taakkualu kaalaallisut kulturitsinnut kinaassutsitsinnullu naleqqussagaassapput. Innuttaasut nalinginnaasumik ilinniartitaanikkut aqqissuussinerit avataaniittuarsimasut piginnaasaasigut ilinniartitaanersigullu qaffasaanissaannik neqeroorfigineqarsinnaalissapput. Tamakkualu inummut namminermut, kulturimut inuutissarsiornermullu sammisussapput.

Tamatumunnga atatillugu Naalackersuisut højskolit siunissaat pillugu nalilersuinissamik suliaqartussamik suleqatigiisitamik pilersitsinikuupput, tamatumunngalu atatillugu suleqatigiisitat aammattaaq siunissami aningaasanut inatsisitigut højskolinut tapiissutit aammalu avataaniit aningaasalersuisarnerit aqutugalugit højskolit sulinerisa ingerlanneqarnerisalu qanoq iliorluni qularnaarneqarnissaat misissussallugu. Kisiannili tamatum-

kingunerisaanik højskolini inissat amerlineqassanersut maannakkorpiaq nalilersorneqar-sinnaangilaq, kisiannili Ilinniartitaanermi Pilersaarusiormermik suliaqarnermi 2006-imiilli tamanna tulleriaarinernut ilaatinneqanngilaq. Tassami tamatumani suliaqarnermi Piare-ersarfinni, efterskolinut tunngatillugu kiisalu inuutissarsiutigut ilinniartitaanerit aammalu ilinniartitaanerit piginnaasanik aalajangersimasunik pissarsiffiusartut porsaavigineqar-nissaat pingaarnertullugit sammineqarmata.

Inussiarnersumik inuulluaqqusillunga

Mimi Karlsen